

毛
詩
要
義

毛詩要義卷第

一 西周方八百東周方

王城譜王城者周東都王城畿內方六百里之地正義曰車攻序云復會諸侯於東都謂王城也周以鎬京爲西都故謂王城爲東都王城卽洛邑漢書地理志云初洛邑與宗周通封畿東西長南北短短長相覆千里韋昭云通在二封之地共千里也臣瓚按西周方八百里八八六十四爲方百里者六十四東周方六百里六六

王城
 東都
 義亦
 二宗
 韓公
 羊敬
 王後
 為西
 謝

三十六為方百里者三十六都方百里者百有
 千里也秦譜云橫有西周畿內八百里之地是
 鄭以西都為八百東都為六百其言與瓚同也
 鄭志趙商問定四年左傳曰曹為伯甸言爵為
 伯服在甸案曹國實今定陶去王城六七百里
 甸服在二服去王城一千五百里亦復不合敢問
 其故答曰東都之畿方六百里半之三百里定
 陶去王城八百里有餘豈六七百也除畿內三
 百里又候五百里定陶在外何謂之不合以子

漢書地理志卷之九
東都
謂下
都呂
洛
有
二
城
成
周
其
名
語
注
羊
公
東
齊

魚言爲伯甸本其始封而在甸服明東都六百
初則然矣西都初則亦八百相通可知周禮每
言王畿千里者制禮設法據方圓而言其實地
形不可如圖也蓋以西都先王所居東都貢賦
所均不可並爲二畿故通數之共爲千里

東都之域西距太華東至外方

其封域在禹貢豫州太華外方之間正義曰禹
貢云荆河惟豫州注云州界自荆山而至于河
而王城在河南洛北是屬豫州也太華即華山

也外方即嵩高也地理志華山在京北華陰縣南外方在潁川嵩高縣則東都之域西距太華東至於外方

三 襄王未賜晉時河陽爲周畿內

北得河陽漸冀州之南正義曰僖二十五年左傳稱襄王賜晉文公陽樊溫原之田晉於是始啓南陽杜預云在晉山南河北故曰南陽是未賜晉時爲周之畿內故知北得河陽夏官職方氏云河內曰冀州知河北之地漸冀南境也

東遷
宗
邑

鎬京宗周是為西都

始武王作邑於鎬京謂之宗周是為西都正
曰文王有聲云宅是鎬京武王成之是武王作
邑於鎬京也正月云赫赫宗周謂鎬京也後平
王居洛邑亦謂洛邑為宗周祭統云即宮于宗
周謂洛邑也以洛邑為東都故謂鎬京為西都
成周漢洛陽縣洛邑王城漢河南縣
周公攝政五年成王在豐欲宅洛邑使召公先
相宅既成謂之王城是為東都今河南是也正

義曰洛誥云周公曰予惟乙卯朝至于洛師我
乃卜澗水東瀍水西惟洛食我又卜瀍水東
惟洛食注云我以乙卯日至於洛邑之衆觀召
公所卜之處皆可長久居民使服田相食瀍水
東既成名曰成周今洛陽縣是也召公所卜處
名曰王城今河南縣是也則成周洛邑同年營
矣書傳云周公攝政五年營成周則知此二邑
皆五年營之也

武王營洛成王居之復還西都

成王居洛邑遷殷頑民於成周復還歸處西
正義曰洛誥云戊辰王在新邑烝是成王居洛
邑也書序云成周既成遷殷頑民注云此皆土
也周謂之頑民民無知之稱是遷殷頑民於成
周也周本紀云太史公曰學者皆稱周伐紂居
洛邑其實不然武王營之成王使召公卜居之
遷九鼎焉而周復都豐鎬是成王復還歸西都

幽王敗於戲水死於麗山之北

周本紀云幽王之廢后去太子也申侯怒乃與

繒西夷大戎共攻幽王幽王舉烽火徵兵兵莫
至遂殺幽王麗山下虜褒姒盡取周賂而去魯
語里革對成公云幽王滅於戲孔晁曰戲西周
地名史記云麗山國語言於戲則是麗山之下
有地名戲皇甫謐云今京兆新豐東二十里戲
亭是也潘岳西征賦述幽王之亂滅云軍敗戲
水之上身死麗山之北則戲亦水名韋昭云戲
山名非也

■晉鄭迎立平王徙居王城

晉文侯鄭武公迎宣咎于申而立之是爲平王
以亂故徙居東都王城正義曰鄭語云晉文侯
於是乎定天子隱六年左傳稱周桓公言於王
曰我周之東遷晉鄭焉依地理志幽王敗桓公
死其子武公與平王東遷

十 王室與諸侯無異故貶謂王國變風

詩者緣政而作風雅繫政廣狹故王爵雖尊猶
以政狹入風也風雅之作本自有體而云貶
之謂之風者言作爲雅頌貶之而作風非謂採

以諸侯

得其詩乃貶之也鄭志張逸問平王微弱其詩

為雅

不能復雅厲王流於彘幽王滅於戲在雅何答

十二

王詩次

平王微弱政在諸侯威令不加於百姓乎其意

鄭上譜

言幽厲以酷虐之政被於諸侯故為雅平相則

還在幽

政教不及畿外故為風也王詩次在鄭上譜退

孫述雅

幽下者欲近雅頌與王世相次故也

黍離

三

周大夫作黍離之詩閔宗周

正義曰作黍離詩者言閔宗周也周之大夫行

謂敬氏
王入
下成

征至於宗周鎬京過歷故時宗廟宮室其地
民皆墾耕盡爲禾黍以先王宮室忽爲平田於
是大夫閔傷周室之顛墜憂復敗彷徨省視不忍
速去而作黍離之詩以閔之也言過故宗廟則
是有所適因過舊墟非故詣宗周也

四 鄭先爲箋後作譜故大同

鄭先爲箋而後作譜故此箋與譜大同周語云
幽王三年西周二川皆震是鎬京謂之西周也
即知王城謂之東周也論語孔子曰如有用我

遷成
周之
文

王

羊傳

敬

王

城

周

東

者吾其爲東周乎注云據時東周則謂成周爲
東周者以敬王去王城而遷於成周自是以後
謂王城爲西周成周爲東周故昭二十二年王
子猛入于王城公羊傳曰王城者何西周也二
十六年天王入于成周公羊傳曰成周者何東
周也孔子設言之時在敬王居成周之後且意
取周公之教頑民故知其爲東周據時成周也
此在敬王之前王城與鎬京相對故言王城謂之
東周也周本紀云平王東徙洛邑避戎寇

爾雅四天與歐說異鄭許見時同

釋天云春爲蒼天夏爲昊天秋爲旻天冬爲上天李巡曰春萬物始生其色蒼蒼故曰蒼天夏萬物盛壯其氣昊大故曰昊天秋萬物成熟皆有文章故曰旻天冬陰氣在上萬物伏藏故曰上天郭璞曰旻猶愍也愍萬物彫落冬時無事在上臨下而已如爾雅釋天以四時異名此傳言天各用所宜爲稱鄭君和合二說故異義天號今尚書歐陽說春曰昊天夏曰蒼天秋曰旻

鄭以爾

雅孔子

明人所

不誤

天冬曰上天爾雅亦云古尚書說與毛同謹案
尚書堯典羲和以昊天揔勅以四時故知昊天
不獨春也左傳夏四月孔丘卒稱曰昊天不弔
非秋也玄之聞也爾雅者孔子門人所作以釋
六藝之言蓋不誤也爾雅春爲蒼天夏爲昊天
歐陽說春爲昊天夏爲蒼天鄭旣言爾雅不誤
當從爾雅而又從歐陽之說以春昊天夏蒼天鄭
讀爾雅與孫郭異故許慎旣載今尚書說即言
爾雅亦云明見爾雅與歐陽說同雖蒼昊有春

夏之殊則未知孰是要三說理相符合故鄭和而釋之

十 麥秀之詩傷紂此黍離閔幽而云何人

史記宋世家云箕子朝周過殷故墟城壞生黍箕子傷之乃作麥秀之詩以歌之其詩曰麥秀漸漸兮禾黍油油兮彼狡童兮不我好兮所謂狡童者紂也過殷墟而傷紂明此亦傷幽王但不是主刺幽王故不爲雅耳何等人猶言何物人大夫非爲不知而言何物人疾之甚也

君子
子役

○鑿牆棲雞曰埒棲於杙曰桀

傳鑿牆而埒曰埒正義曰釋宮文也又云雞棲
於杙爲桀李巡曰別雞所棲之名寒鄉鑿牆
雞作棲曰埒

○君子祿仕相招爲房中之樂

君子陽陽左執黃右招我由房陽陽無所用其
心也簧笙也由用也國君有房中之樂箋云由
從也君子祿仕在樂官左手持笙右手招我欲
使我從之於房中俱在樂官也我者君子之友

自謂也時在位有官職也

說陽陽陶陶皆無所用心

言無所用心者史記稱晏子御擁大蓋策四馬
意氣陽陽其自得則陽陽是得志之貌賢者在
賤職而亦意氣陽陽是其無所用心故不憂下
傳云陶陶和樂亦是無所用心

說簧者笙管中金薄鏤竿虎皆有簧

簧者笙管之中金薄鏤也春官笙師注鄭司農
云笙十二簧笙必有簧故以簧表笙傳以笙簧

一器故云簧笙也月令仲夏調笙笙簫簧則黃
似別器者彼於笙笙簫三器之下而別言簧者
欲見三器皆有簧簧非別器也若然三器皆有
簧何知此非笙簫而必以爲笙者以笙師備言
樂器有笙簧鹿鳴云吹笙鼓簧言吹笙則簧鼓
是簧之所用本施於笙

四天子諸侯皆有房中之樂

此實天子而言國君者以諸侯亦有此樂舉國
君以明天子譜云路寢之樂風之正經天子

四

路寢者

五室無

房此小

寢內作

樂

五

小寢是

以周南諸侯以召南是天子諸侯皆有房寢之
樂也鄭志張逸問何知在位有官職又男子焉
得在房答曰房中而招人豈遠乎故知可招者
當在位也斯干箋云宗廟及路寢制如明堂則
天子路寢有五室無左右房矣言路寢房中可
用男子者此路寢之樂謂路寢之下小寢之內
作之非於正寢作樂也何則玉藻云君日出而
視朝退適路寢聽政使人視大夫退然後適小
寢釋服是路寢以聽政小寢以燕息路寢非燕

路寢之

室故

寢

寢

揚之水

息之所也下箋云欲使從之於燕舞之位以燕

言之明不在路寢也樂實不在路寢而譜云路

寢之樂者云路寢房中者以小寢是路寢之下

室繫路寢言之天官宮人掌六寢之脩注云六

寢者路寢一小寢五是小寢繫於路寢之事也

天子小寢如諸侯之路寢故得有左右房

說言周人者別有諸侯所遣戍在申

揚之水刺平王也不撫其民而遠屯戍于母家

周人怨思焉怨平王恩澤不行於民而父令屯

戍不得歸思其鄉里之處者言周人者時諸侯亦有使人戍焉平王母家申國在陳鄭之南迫近疆楚王室微弱而數見侵伐王是以戍之

申申甫許同爲姜姓猶史漢謂秦爲趙

正義曰尚書有呂刑之篇禮記引之皆作甫刑孔安國云呂侯後爲甫侯周語云柞四獄爲侯伯賜姓曰姜氏曰有呂又曰申呂雖衰齊許猶在是申與甫許同爲姜姓故傳言甫諸姜許諸女皆爲姓與申同也平王母家申國所戍唯應

戊申不戊甫許也言甫許者以其同出四嶽俱
爲姜姓旣重章以變文因借甫許以言甲其實
不戊甫許也六國時秦趙皆伯益之後同爲嬴
姓史記漢書多謂秦爲趙亦此類也

東浦毛云草鄭云蒲柳

箋蒲蒲柳正義曰以首章言薪下言蒲楚則蒲
楚是薪之木各不宜爲草故易傳以蒲爲柳陸
璣疏云蒲柳有兩種皮正青者曰小楊其一種
皮紅者曰大楊其葉皆長廣於柳葉皆可以爲箭

中谷

有菲

離

音佳
荏同

荏

於據
又音

於

幹故春秋傳曰董澤之蒲可勝既乎今又以為箕籩之楊也

九

推一名益母即曾子見益母而感者

中谷有菲嘆其乾矣興也推離也嘆於貌陸莚生於谷中傷於水箋云興者喻人居平安之世猶離之生於陸自然也遇衰亂凶年猶離之生谷中得水則病將死正義曰釋草云荏推李巡曰臭穢草也郭璞曰今荒蔚也葉似荏方莖白華華生節間又名益母陸璣疏云舊說及魏博士

彖

濟陰周元明皆云菴闇是也韓詩及三蒼說悉云益母故曾子見益母而感案本草云益母菴蔚也一名益母

桓王失信謂昇虢伐鄭等事

平王崩周人將昇虢公政四月鄭祭足帥師取溫之麥秋又取成周之禾周鄭交惡君子曰信不由中質無益也是桓王失信之事也桓五年左傳曰王奪鄭伯政鄭伯不朝是諸侯背叛也戰於緡葛蔡衛陳皆奔王卒亂鄭師合以攻之

王卒大敗祝聃射王中肩是王師傷敗之事也

三 罩覆車亦名翻車

傳罩覆車正義曰下傳罩覆與此一也釋器云
繫謂之罩罩覆也覆謂之罩罩覆車也孫炎曰覆車
網可以掩兔者也一物五名方言異也郭璞曰今
之翻車也有兩轅中施罾以捕鳥展轉相解廣
異語也

三 有以父母妻族爲九鄭以異姓不在族中
棄其九族焉九族者據已上至高祖下及玄孫

之親正義曰此古尚書說鄭取用之異義九族
今禮戴尚書歐陽說云九族乃異姓有親屬者
父族四五屬之內爲一族父女昆弟適人者與
其子爲一族己女昆弟適人者與其子爲一族
己之子適人者與其子爲一族母族三母之父
姓爲一族母之母姓爲一族母女昆弟適人者
爲一族妻族二妻之父姓爲一族妻之母姓爲
一族古尚書說九族者上從高祖下至玄孫凡
九皆爲同姓謹案禮總麻三月以上恩之所及

禮爲妻父母有服明在九族不得但施於同姓
玄之間也婦人歸宗女子雖適人字猶繫姓明
不與父兄爲異族其子則然昏禮請期辭曰惟
是三族之不虞欲及今三族未有不億度之事
而迎婦也如此所云則三族當有異姓異姓其
服皆緦麻緦麻之服不禁嫁女聚妻是爲異姓
不在族中明矣周禮小宗伯掌三族之別喪服
小記說族之義曰親親以三爲五以五爲九以
此言之知高祖至玄孫昭然察矣是鄭以古說

書

長宜從之事也古尚書說直云高祖至玄孫凡九不言之親此言之親欲見同出高祖者當皆親之此言棄其九族正謂棄其同出高祖者非棄高祖之身

三月三秋三歲各從韻不由事大憂深臣之懼讒於小事大事其憂等耳未必小事之憂則如月急事之憂則如歲設文各從其韻不由事大憂深也年有四時時皆三月三秋謂九月也設言三春三夏其義亦同

荻

反

大車

四 蕭所以共祭祀以脂藝之爲香

傳蕭所以共祭祀正義曰釋草云蕭荻李巡曰荻一名蕭陸璣云今人所謂荻蒿者是也或云牛尾蒿似白蒿白葉莖麤科生多者數十莖可作燭有香氣故祭祀以脂藝之爲香許慎以爲艾蒿非也郊特牲云既奠然後藝蕭合馨香王氏云取蕭祭脂

五 王制大夫乘墨車出封乘諸侯車

以序云陳古大夫故知大車是大夫之車春官

巾車職云革路以封四衛四衛四方諸侯守衛者謂蠻服以內又云大夫乘墨車然則王朝大夫於禮當乘墨車以大夫出封如子男之服則車亦得乘諸侯之車此大車蓋革路也檻檻聲之狀故爲車行聲陳古大夫而云毳衣故知毳衣大夫之服也葵騅釋言文郭璞曰葵草色如騅在青白之間春官司服曰子男之服自毳冕而下卿大夫之服自玄元而下則大夫不服毳冕傳又解其得服之意天子大夫四命其出封

六

出封

命

與鄭

命注異

命注異

五命如子男之服故得服毳冕也春官典命職
曰王之三公八命其卿六命其大夫四命及其
出封皆加一等鄭解周禮出封謂出於畿內封
爲諸侯加一等褒有德也謂大夫爲子男卿爲
侯伯其命加於王朝一等耳非謂使出封畿外
即加命也今傳言大夫四命出封五命則毛意
以周禮出封謂出於封畿非封爲諸侯也尊王
命而重其使出於封畿即得加命反於朝廷還
服其本此陳古者大夫出封聽訟故得如子男

之衣服乘其大車檻檻然服毳冕以決訟也

七出封則加一等入仕則本爵本服

鄭以周禮出封謂爲諸侯乃加一等出封行使則不得然此詩陳古天子大夫服毳冕以決訟則是其人於禮自得服之緣此服之貴賤準其官之尊卑解得服之所由故云則是子男入爲大夫者也王朝之卿大夫出封於畿外褒有德加一等公卿爲侯伯大夫爲子男其諸侯入於王朝爲卿大夫者以其本爵仍存直以入仕爲

榮耳不復更加其命數故侯伯入爲卿子男入
爲大夫諸侯之數衆王朝之官少或亦侯伯爲
大夫非唯子男耳隱十一年左傳曰滕侯曰我
周之卜正顧命孔安國注云齊侯呂伋爲天子
虎賁氏是侯伯入爲大夫者也以其本爵先尊
服其本國之服故鄭志答趙商云諸侯入爲卿
大夫與在朝仕者異各依本國如其命數是由
尊諸侯使之以其命此據子男爲大夫仍得服
毳冕也

卷之四 毳衣謂裘也衣績裳繡

毳衣之屬衣則畫績爲之裳則刺繡爲文由皆有五色其青色者則如黼故得如裘也言毳衣之屬者自毳以上當有袞冕鷩冕與毳冕之服其衣皆用績也若絺冕則衣刺粉米唯用繡玄冕則衣無文不復用繡明毳衣之屬正謂袞鷩耳知衣績裳繡者考工記言畫績之事則績謂畫之也皐陶謨云予欲觀古人之象日月星辰山龍華蟲作會宗彝藻火粉米黼黻絺繡於華蟲以

上言作續明畫爲續文宗彝以下言絺繡明是絺爲繡文但王者相變禮制不同周法火與宗彝亦畫而爲衣不復在裳故鄭於司服引尚書以校之周禮考之而立說彝以上則衣用續絺冕則衣亦繡也

辨穀異室謂外內異死同穴謂神合一

穀則異至死則同穴謂予不信有如皦日穀生皦白也生在於室則外內異死則神合同爲一也箋云穴謂冢壙中也正義曰穀生釋言又皦

者明白之貌故爲白也內則曰禮始於謹夫婦
宮室辨外內男不入女不出是禮也生在於室
則內外異死所以得同穴者死則神合同而爲
一故得同穴也祭統曰鋪筵設同几春官司几
筵注云周禮雖合葬及同時在殯皆異几體實
不同祭於廟中同几精氣合也是既葬之後神
合爲一神合故可以同穴也序疏云周法始合
葬云云

十四

留子嗟毛云大夫字鄭云放逐之臣

丘中有麻彼留子嗟留大夫氏子嗟字也丘中
境埆之處盡有麻麥草木乃彼子嗟之所治箋
云子嗟放逐於朝去治卑賤之職而有功所在
則治理所以爲賢彼留子嗟將其來施施施施
難進之意箋云施施舒行何間獨來見已之貌

毛詩要義卷第四上

鄭譜

詩要義卷第四中 鄭緇衣至清人

一 宣王封母弟友於宗周畿內是為鄭桓

鄭譜初宣王封母弟友於宗周畿內成林之地是為鄭桓公今京兆鄭縣是其都也正義曰漢書地理志云本周宣王母弟友為周司徒食采於宗周畿內是為鄭桓公鄭據此為說也春秋之例母弟稱弟繫兄為尊以異於其餘公子僖二十四年左傳曰鄭有厲宣之親以厲王之子而兼云宣王明其母弟也服虔杜預皆云母弟

一

鄭家年

張同出

馬遷而
言弟
表云鄭
栢公友
宣王母
弟世家
年表同
出馬遷
而自乖
異是無
明文可
據也不
先言鄭
國所在
而本宣
王封母
弟者以
鄭因虢
鄆之地
而國之
而鄆亦
有詩既
譜鄆事
然後譜
鄭故先
言有鄭
之由而
後說得
鄆之事

鄭世家云宣王庶弟皇甫謚亦云庶弟又史年

鄭桓寄幣虢鄆卒死幽王之難

又爲幽王大司徒甚得周衆與東土之人問於
史伯曰王室多故余懼及焉其何所可以逃死

正義曰自此以下盡可以少徇皆鄭語文謂
西周之衆與東土河洛之人心也多故謂多難
懼禍難及已也史伯曰其濟洛河潁之間乎是
其子男之國虢鄆爲大虢叔恃勢鄆仲恃險皆
有驕侈怠慢之心加之以貪冒君若以周難之
故寄帑與賄不敢不許是驕而貪必將背君君
以成周之衆奉辭罰罪無不克矣正義曰謂濟
西洛東河南潁北是四水之間其子男之國有
十惟虢鄆爲大叔仲皆當時二國之君字也勢

謂地勢阻固險謂境多阨塞若克二邑鄢蔽補
丹依疇歷華君之土也脩典刑以守之惟是可
以少固正義曰八國皆在四水之間與虢鄢爲
鄰若克虢鄢則其餘八邑自然可滅爲君之
土也脩典法以守之惟有是處可以少固餘方
不可入也虢鄢實國而言邑者以國邑相對爲
異散則國亦爲邑殷武云商邑翼翼左傳云言
樊邑者皆公侯之國而稱邑也桓公從之言然
之後三年幽王爲犬戎所殺桓公死之其子武

公與晉文侯定平王於東都王城正義曰鄭語
又云公悅乃東寄帑與賄虢鄆受之是桓公從
之也世家又云大戎殺幽王并殺桓公鄭人立
其子掘突是爲武公地理志云幽王敗桓公死
其子武公與平王東遷是其事也

四武公卒取十邑史記誤謂桓自取

卒取史伯所云十邑之地右洛左濟前華後河
食溱洧焉今河南新鄭是也正義曰此謂武公
卒取之知者以史伯之言皆信而有微隱元年

左傳曰制巖邑也虢叔死焉栢十一年公羊傳
曰先鄭伯有善於鄆公者通乎夫人以取其國
鄭見虢虢鄆之地明是武公滅虢鄆則其餘八
邑亦武公取之可知故云卒取十邑之地案鄭
世家史伯云虢鄆之君貪而好利百姓不附今
公爲司徒民皆愛公公誠請居之虢鄆之君見
公方用事輕分公地公誠居虢鄆民皆公之民
也栢公曰善於是卒言於王東其民於洛東而
虢劓果獻十邑竟國之如世家則栢公皆自取

國
桓寄
祭賄時
長亦
寄

十邑而云死後武公取者馬遷見國語有史伯
爲桓公謀取十邑之文不知桓身未得故傳會
爲此說耳外傳云皆子男之國虢鄆爲大則八
邑各爲其國非虢鄆之地無由得獻之桓公也
明馬遷之說謬耳桓公雖未得虢鄆既寄祭賄臣
民亦從而寄焉故昭十六年左傳子產曰昔我
先君桓公與商人皆出自周庸次比耦以艾殺
此地斬之蓬蒿藜藿而共處之是桓公寄祭之
時商人亦從而寄至武公遂取而與居之也

鄭當侯爵而爲伯周禮封疆言大法

史伯言子男之國號鄆爲大設令十邑皆方百里開方除之尚三百有餘鄭當侯爵而爲伯者周禮五等封疆言大法耳其土地不可一如其制度春秋之叙鄭伯在邢侯之上曹伯在許男之下是不可以爵之尊卑計其地之大小也

鄭鄆同祝融之墟而鄭國之都非鄆

右洛左濟前華後河食溱洧焉亦鄭語文也韋昭云華華國也食謂居其土而食其水也鄆譜

云居溱洧之地此云食溱洧焉則鄭都在鄆地
故服虔云鄭古鄆國之地是鄭雖處其地不居
其都僖二十三年左傳稱文夫人葬公子瑕於
鄆城之下服虔云鄆國之墟杜預云鄆國在滎
陽密縣東北新鄭在滎陽宛陵縣西南是鄭非
鄆都故別有鄆城也若然昭十七年左傳曰鄭
祝融之墟鄆譜亦云則鄆鄭同地而云鄭非鄆都
者正以鄭國別有鄆城決知鄭國之都非鄆也
但二城不甚相遠故於鄆言祝融之墟見鄭因

國其地言其境界所及非謂鄭居鄆都也

● 襄內諸侯無詩鄭國 號鄆在畿外

鄆在東周畿外之國隱元年穀梁傳曰襄內諸侯不正其外交然則畿內之國非正南面之君政教稟於天子善惡歸於其上無假風諫不當有詩鄆國見有變風不在畿內明矣鄭因號鄆之國自然亦爲畿外鄭發墨守云桓公國在宗周畿內武公遷居東周畿內者以鄭於西周本在畿內西都之地盡以賜於明武公初遷亦在

東周畿內故歷言之也及并十邑鬱成大國盟會列於諸侯灼然在畿外故緇衣傳曰諸侯入爲天子卿士是畿外之君稱入也

九鄭雖非畿內不過侯服

鄭雖非畿內不過侯服昭十三年左傳曰鄭伯男也賈逵以爲鄭伯爵在男畿鄭距王城三百餘里而得在男畿者鄭志答趙商云此鄭伯男者非男畿乃謂子男也先鄭之於王城爲在畿內之諸侯雖爵爲侯伯周之舊俗皆食子男之

地故云鄭伯男也是鄭意與賈說異

詳見左傳鄭衆賈逵

服虔王肅皆有說

十譜言得國作卿士其實作卿士在先

武公又作卿士國人宜之鄭之變風又作正義曰緇衣序云父子並爲周司徒則桓公之死武公即代爲司徒故得輔平王以東遷是先爲卿士後并十邑但鄭先說得國之由故云又作卿士其實作卿士在并十邑之前也序又云善於其職國人宜之故美其德是國人宜之而作變

風也對上鄆風已作故云又作

十一鄭武莊後君世之次

案左傳及鄭世家武公生莊公莊公娶鄆曼生太子忽是爲昭公又娶宋雍氏女生公子突是爲厲公又生公子亹公子儀春秋桓十一年夏五月莊公卒而昭公立其年九月昭公奔衛而厲公立桓十五年夏厲公奔蔡六月昭公入桓十七年高渠彌弑昭公而立子亹十八年齊人殺子亹鄭人立公子儀莊十四年傳瑕殺子儀

而納厲公厲公前立四年而出奔至此而復入
至莊二十一年卒前後再在位凡十一年厲公
卒子文公捷立四十五年卒此其君世之次也
二十厲公列會成君而國人思見正宜是初年
褰裳思見正言突篡國之事是突前篡之初國
人欲以鄰國正之春秋之義君雖篡弑而立已
列於會則成爲君案突以桓十一年篡十二年
公會鄭伯盟於武父自是以後頻列於會則成
爲鄭君國人不應思大國之見正褰裳宜是初

年事也

三鄭詩失次由作序乃錯亂

公子五爭突最在後得之則此三篇厲公詩也
清人刺文公文公詩也鄭於左方中皆以此而
知文公厲公之子清人當處卷末由爛脫失次廁
於莊公詩內所以得錯亂者鄭答趙商云詩本
無文字後人不能盡得其第錄者直錄其義而
已如志之言則作序乃始雜亂故羔裘之序從
上大叔于田爲莊公之詩也

緇衣

十五

善善章

論語善

中之善

十四 鄭武桓父子皆爲周司徒之卿

正義曰作緇衣詩者美武公也武公之與桓公父子皆爲周司徒之卿而善於其卿之職鄭國之人咸宜之謂武公爲卿正得其宜諸侯有德乃能入仕王朝武公旣爲鄭國之君又復入作司徒已且大善又能善其職此乃有國者善中之善

十六 卿士於王宮有館舍於畿內有采祿

緇衣至繫乎毛以爲武公作卿士服緇衣國人

十七

館襲衣
服賜
而享
授愛之
至

美之言武公於此緇衣之宜服之兮言其德稱
其服也此衣若弊我願王家又復改而爲之兮
願其常居其位常服此服也卿士於王宮有館
舍於畿內有采祿言武公去鄭國入王朝之適
子卿士之館舍兮自朝而還我願王家授子武
公以采祿兮欲使常朝於王常食采祿也采祿
王之所授衣服王之所賜而言子爲子授者其
意願王爲然非民所能改授之也鄭以爲國人
愛美武公緇衣若弊我願爲君改作兮自館而

還我願授君以飲食兮愛之願得作衣服與之
飲食也

十卿士以皮弁服朝王緇衣治事

傳緇黑至之位正義曰考工記言染法三入爲
纁五入爲緇七入爲緇注云染纁者三入而成
又再染以黑乃成緇是緇爲黑色此緇衣即士
冠禮所云主人玄冠朝服緇帶素鞶是也諸侯
與其臣服之以日視朝故禮通謂此服爲朝服
美武公善爲司徒而經云緇衣則緇衣卿士所

服也而天子與其臣皮弁以日視朝則卿士旦朝於王服皮弁不服緇衣故知是卿士聽朝之正服謂既朝於王退適治事之館釋皮弁而服以聽其所朝之政也

九私朝在王宮私家之朝在國門

箋緇衣至弁服正義曰退適治事之處為私也對在天子之庭為公此私朝在天子宮內即下句適子之館者是也舜典云闕四門者注云卿士之職使為已出政教於天下言四門者亦因卿

士之私朝在國門魯有東門襄仲宋有桐門右
師是後之取法於前也彼言私朝者在國門謂
卿大夫夕治家事私家之朝耳與此不同何則
王藻說視朝之禮曰君既視朝退適路寢使人
視大夫大夫退然後適小寢釋服君使人視其
事盡然後休息則知國之政教事在君所斷之
不得歸適國門私朝明國門私朝非君朝矣論
語冉子退朝注云朝於季氏之私朝亦謂私家
之朝與此異也王藻云天子皮弁以日視朝是

天子之朝服皮弁故退適諸曹服緇衣也定本云天子之朝朝服皮弁服

三館爲舍粢爲餐采謂賦稅祿謂穀

館者人所止舍故爲舍也粢餐釋言文郭璞曰今河北人呼食爲粢謂餐食也諸侯入爲天子卿士受采祿解其授粢之意采謂田邑采取賦稅祿謂賜之以穀二者皆天子與之以供飲食故謂之授子粢也

四卿館如漢諸廬九室注如朝堂治事處

之所之正義曰考工記說王宮之制內有九室九嬪居
之館在之外有九室九卿朝焉注云內路寢之裏外路
天子之寢之表九室如今朝堂諸曹治事之處也六卿
官如今三孤爲九卿彼言諸曹治事處此言諸廬正謂
之諸廬天子宮內卿士各立曹司有廬舍以治事也言
適子之館則有所從而適也言還授子粲則還
還謂從有所至也既爲天子卿士不可還歸國明是從
公館還采邑而適公館從公館而返采邑

四箋以授粲爲鄭人欲飲食之非采祿

傳言采祿者以采祿解粢義也箋言還在采地之都者自謂廻還所至國人授粢之處其意與傳不同雖在采地之都願授之食其授之者謂鄭國之人非采地之人何則此詩是鄭人美君非采地之人美之易傳者以言予者鄭人自授之食非言天子與之祿也飲食雖云小事聖人以爲禮伐柯勸王迎周公言我觀之子薄豆有踐奉迎聖人猶願以飲食故小民愛君願飲食之

新學

五鄭莊公處叔段於大都使驕而作亂

正義曰作將仲子詩者刺莊公也公有弟名段字叔其母愛之令莊公處之大都莊公不能勝止其母遂處段於大都至使驕而作亂終以害其親弟是公之過也此事見於左傳隱元年

六箋所引祭仲諫語乃公子呂

將仲子兮無踰我里無折我樹杞將請也仲子祭仲也踰越里居也二十五家爲里杞木名也折言傷害也箋云祭仲驟諫莊公不能用其言

故言請固距之無踰我里喻言無干我親戚也
無折我樹杞喻言無傷我兄弟也仲初諫曰君
將與之臣請事之君若不與臣請除之正義曰
左傳此言乃是公子呂辭今箋以爲祭仲諫者
詩陳請祭仲不請公子呂矣則祭仲之諫多矣
公子呂矣而公子呂請除大叔爲諫之切莫切
於此祭仲正可數諫耳其辭亦不是過

世

古名甲後世名鑑

世本云杼作甲宋仲子云少康子名杼也經典

皆謂之甲後世乃名爲鎭鑿以今曉古

四箋云服馬猶乘馬非夾轅馬

易稱服牛乘馬俱是駕用之義故云服馬猶乘馬夾轅兩馬謂之服馬何知此非夾轅之馬而云猶乘馬者以上章言無居人無飲酒皆是人事而言此不宜獨言無馬知正謂叔既往田巷無乘馬之人耳

大叔
于田

五內兩服上裏齊首外兩驂如鴈行如兩手叔于至送忌正義曰言叔之往田也乘一乘之

並如字
忌
說

黃馬在內兩服者馬之上駕也在外兩驂與服馬如鴈之行相次序也叔乘此四馬從公田獵叔之在於藪澤也次有行列俱時揚之叔有多才既善射矣又善御矣抑者此叔能啓騁馬矣又能控止馬矣言欲疾則走欲止則住抑者此叔能縱矢以射禽矣又能從送以逐禽矣言發則能中逐則能及是叔之善御善射也叔既得衆多才如是必將爲亂而公不禁故刺之小戎云騏驎是中騶驪是驂驂與中對文則驂在外

外者爲驂則知內者爲服故言兩服中央夾轅者也裏駕釋言文馬之上者謂之上駕四馬同駕其兩服則齊首兩驂與服馬鴈行其首不齊故左傳云如驂之新齊首馬首齊也如手進止如御者之手箋云如左右手相佐助

■ 擗即左傳冰字也弓謂被弓

抑釋擗忌抑也弓忌擗所以覆矢也弓發弓箋云射者蓋矢發弓言由事畢正義曰昭二十五年左傳云公徒執冰而踞字雖異音義同服虔

漢

云冰犢丸蓋杜預云或說犢丸是箭筒其蓋可
以取飲先儒相傳捫為覆矢之物且下句言也
弓明上句言覆矢可知

高克將兵當進退自由必召乃得歸

正義曰春秋閔公二年冬十二月狄入衛鄭棄
其師左傳曰鄭人惡高克使帥師次於河上久
而不召師潰而歸高克奔陳鄭人爲之賦清人
是於時有狄侵衛也衛在河北鄭在河南恐其
渡河侵鄭故使高克將兵於河上禦之春秋經

書入衛而箋言侵者狄人初實侵衛衛人與戰而敗後遂入之此據其初侵故言侵也案襄十九年晉侯使士句侵齊聞齊侯卒乃還左傳稱爲禮也公羊傳亦云大夫以君命出進退在大夫然則高克禮當自還不須待召而文公不召又留河上者其戰伐進退自由將帥若罷兵還國必須君命故不召不得歸也傳善士句不伐喪耳其得反國亦當曰侯有命故善之

三 將清邑之人在彭明鄭衛境上

正義曰序言高克將兵則清人是所將之人故知清是鄭邑言禦狄於境明在鄭衛境上言翺翔河上是營軍近河而衛境亦至河南故云衛之河上鄭之郊也郊謂二國郊境非近郊遠郊也碩鼠云適彼樂郊亦揔謂境爲郊也下言消軸傳皆以爲河上之地蓋久不得歸師有遷移三地亦應不甚相遠故俱於河上介是甲之別名

三 二子備折壞重英各有畫飾

考工記云酋矛常有四尺夷矛三尋故知二矛
爲酋矛夷矛魯頌以二矛與重弓共文弓無二
等直是一弓而重之則知二矛亦一矛而有二
故彼箋云二矛重弓備折壞直是酋矛有二無
夷矛也經言重英嫌一矛有重飾故云各有畫
飾言其各自有飾並建而重累

四重喬傳累荷箋矛矜上室下題識以縣毛羽
二矛重喬河上平道遙重喬累荷也箋云喬矛
矜近上及室題所以縣毛羽正義曰釋詁云喬

喬

居橋

姓名

韓詩

作錫

與頭

也室

謂矛

頭受

刃也

高也重喬猶如重英以矛建於車上五兵之最
高者也而二矛同高其高復有等級故謂之重
高傳解稱高之意故言累荷矜謂矛柄也室謂
矛之筌孔襄十年左傳云舞師題以旌夏杜預
云題識也以大旌表識其行列然則題者表識
之言箋申說累荷之意言喬者矛之柄近於上
頭及矛之筌室之下當有物以題識之其題識
者所以懸毛羽也二矛於其上頭皆懸毛羽以
題識之似如重累相負荷然故謂之累荷也經

傳不言矛有毛羽鄭以時事言之猶今之鷩毛稍也

五左旋右抽傳一軍之事箋一車之事

左旋右抽中軍作好左旋講兵右抽抽矢以射居軍中爲容好箋云左左人謂御者右車右也中軍謂將也高克之爲將久不得歸日使其御者習旋車車右抽刃自居中央爲軍之容好而已兵車之法將居鼓下故御者在左正義曰毛以爲左右中摠謂一軍之事左旋以講習兵事

六

兵車將在鼓下御者在左

在軍之人皆右手抽矢而射高克爲將將在軍中以此左旋右抽矢爲軍之容好言其無事故逍遙也必左旋者少儀云軍尚左注云左陽也陽主生將軍有廟勝之策左將軍爲上貴不敗績寔以左右爲相敵之言傳以左爲軍之左旋右爲人之右手於事不類故易傳以爲車之事

成二年左傳說晉之伐齊云卻克將中軍解張御鄭丘緩爲右卻克傷於矢流血及屨未絕鼓音

車左御

者在中



雖人君

親將亦

吾輩下

親故

曰余病矣張侯曰自始合而矢貫余手及肘余折以御左輪朱殷豈敢言病張侯即解張也卻克傷矢言未絕鼓音是卻克爲將在鼓下也張侯傷手而血染左輪是御者在左也此謂將之所乘車耳若士卒兵半則闕宮箋所云兵車之法左人持弓右人持矛中人御御車不在左也此二箋皆言兵車之法則平常乘車不然矣曲禮曰乘君之乘車不敢曠左注云君存惡空其位則人君正當皆在車左御者在中央故月令

說 藉之義云天子親載耒耜措之於參保介
之御間保介謂車右也置耒耜於車右御者之
間御者在中與兵車異也將居鼓下雖人君親
將其禮亦然夏官太僕職云凡軍旅田役贊王
鼓注云王通鼓佐擊其餘面是天子親鼓也成
二年左傳云齊侯伐我北鄙圍龍齊侯親鼓之
是爲將乃然故云將居鼓下

毛詩要義卷第四中

羔裘

毛詩要義卷第

一 桓武朝多賢臣陵遲自

羔裘刺朝也言古之君子以風其朝焉言猶道也鄭自莊公而賢者陵遲朝無忠正之臣故刺之以桓武之世朝多賢臣賢者陵遲自莊公爲始

二 緇衣羔裘諸侯之朝服

羔裘如濡洵直且侯如濡潤澤也洵均侯君也箋云緇衣羔裘諸侯之朝服也言古朝廷之臣皆忠直且君也君者言正其衣冠尊其瞻視儼

然人望而畏之正義曰經云羔裘知緇衣者王藻云羔裘緇衣以裼之論語云緇衣羔裘是羔裘必緇衣也士冠禮云主人玄冠朝服緇帶素韠注云衣不言色者衣與冠同也是緇衣爲朝服也王藻云諸侯朝服以日視朝故知緇衣羔裘是諸侯之朝服也

三 摻執君子之袂以鄭莊不寔速

遵大路兮摻執子之袂兮遵循路道摻摻袂袂也箋云思望君子於道中見之則欲摯持其袂

遵大路

舍各
寔
之速

四

摻與揅

義小異

音亦同

五

傳訓祛

為袂袂

是祛本

祛袂末

女曰

而留之無我惡乎不寔故也寔速也箋云子無
 惡我擘持子之袂我乃以莊公不速於先君之
 道使我然以摻字從手又與執共文故為攬也
 說文摻字參山音反聲訓為斂也揅字臬此鑑聲反
 訓為奉也二者義皆小異喪服云袂屬幅袂尺
 二寸則袂是祛之本祛為袂之末唐羔裘傳云
 祛袂末則袂祛不同此云祛袂者以祛袂俱是
 衣袖末末別耳

士大夫君子之總辭不言爵

雞鳴

德謂士大夫賓客有德者士大夫君子之摠辭
未必爵爲大夫士也下箋云士大夫以君命出
使者義亦然

七燕食之饌燕飲之肴與食禮異

弋言加之與子宜之宜肴也箋云言我也子謂
賓客也所弋之鳥鴈我以爲加且之實與君子
共肴也曲禮云凡進食之禮左肴右胾食居人
之左羹居人之右膾炙處外醯醬處內葱漑處
末酒漿處右注云此大夫士與賓客燕食之禮

其禮食則宜倣公食大夫禮云又案公食大夫
禮皆無用鳧鴈之文此得用鳧鴈者公食大夫
自是食禮此則飲酒彼以正禮而食此以相好
私燕其饌不得同也曲禮所陳燕食之饌與禮
食已自不同明知燕飲之肴又當異於食法故
用鴈爲加豆也牲牢之外別有此肴故謂之加也

■ 雜佩珩璜琕瑀衝牙之屬

知子之來之雜佩以贈之雜佩者珩璜琕瑀衝
牙之類箋云贈送也我若知子之必來我則豫

諸雜佩去則以送子也與異國賓客燕時雖無此物猶言之以致其厚意其若有之固將行之士大夫以君命出使主國之臣必以燕禮樂之助君之歡正義曰說文云珩佩上玉也璜半璧也琚佩玉名也瑀玖石次玉也玉藻云佩玉有衝牙注云居中央以前後觸也則衝牙亦玉爲之其狀如牙以衝突前後也玉藻說佩有黜珩列女傳稱阿谷之女佩璜而澣下云佩玉瓊琚立中有麻云貽我佩玖則珩玖與瑀皆是石次

玉玟是佩則瑀亦佩也故云雜佩玕璫瑀瑀
牙之類玉藻又云天子佩白玉公侯佩山玄玉
大夫佩水蒼玉世子佩瑜玉士佩璆玕玉則佩
玉之名未盡於此故言之類以包之天官玉府
云共王之服玉佩玉珠玉注引詩傳曰佩玉上
有葱珩下有雙璫衡牙纁珠以納其間下傳亦
云佩有瑀瑀所以納間謂納衆玉與珩上下之間

四遺人物曰問答其恩意曰報送曰贈

傳問遺正義曰曲禮云凡以苞苴簞筍問人者

哀二十六年左傳云衛侯使以弓問子貢其遺
人物謂之問故云問遺也問之者即出己之意
施遺前人報之者彼能好我報其恩惠贈之者
以物與之送之與別其實一也

鄭忽兩辭昏鄭志問答止言文姜

有女
同車

正義曰作有女同車詩者刺忽也鄭人刺忽之
不婚於齊對齊爲文故言鄭人既揔叙經意又
申說之此太子忽嘗有功於齊桓六年傳曰北
戎侵齊齊侯使乞師於鄭鄭太子忽帥師救齊

六月大敗戎師齊侯欲以文姜妻鄭太子忽太
王忽辭人問其故太子曰人各有耦齊大非吾
耦也詩云自求多福在我而已大國何爲君子
曰善自爲謀及敗戎師也齊侯又請妻之固辭
又問其故太子曰無事於齊吾猶不敢今以君
命奔齊之急而受室以歸是以師婚也人其謂
我何遂辭諸鄭伯如左傳文齊侯前欲以文姜
妻忽後復欲以他女妻忽再請之此言齊女賢
而忽不娶不娶謂復請妻者非文姜也鄭志張

士

管晏
於陳而
齊猶請
竄爰
以明之

逸問曰此序云齊女賢經云德音不忘文姜內
淫適人殺夫幾亡魯國故齊有雄狐之刺魯有
敝笱之賦何德音之有乎答曰當時佳耳後乃
有過或者早嫁不至於此作者據時而言故序
達經意如鄭此答則以爲此詩刺忽不娶文姜
案此序言忽有功於齊齊侯請妻之則請妻在
有功之後齊女賢而忽不娶其文又在其下明
是在後妻者也安得以爲文姜乎文桓十一年
左傳曰鄭昭公之敗北我也齊人將妻之昭公

十三

他女不

當言蓋

姜疏云

何實妻

賢實妻

辭祭仲曰必娶之君多內寵子無大援將不立
弗從夏鄭莊公卒秋昭公出奔衛傳亦以出奔
之年追說不婚於齊與詩刺其意同也張逸以
文姜爲問鄭隨時答之此箋不言文姜鄭志未
爲定解也若然前欲以文姜妻之後欲以他女
何實妻之他女必幼於文姜而經謂之孟姜者詩人
以忽不娶言其身有賢行大國長女刺忽應娶
不娶何必實賢實長也此陳同車之禮欲忽娶
爲正妻也案隱八年左傳云鄭公子忽如陳逆

婦嬀則是已娶正妻矣齊侯所以得請妻之者
春秋之世不必如禮或者陳嬀已死忽將改娶
二者無文以明之此請妻之時在莊公之世不
爲莊公詩者不娶齊女出自忽意及其在位無
援國人乃追刺之傳稱忽不娶文姜君子謂之
善自爲謀則是善忽矣此詩刺之者傳言善自
爲謀言其謀不及國

四有女同車謂親迎壻御婦車

有女同車顏如舜華親迎同車也舜木槿也箋

云鄭人刺忽不取齊女親迎與之同車故稱同車之禮齊女之美正義曰士昏禮云壻揖婦出門乃云壻御婦車授綏是親迎之禮與婦同車也

叶舜一名木槿都者美好閑習之言

陸璣疏云舜一名木槿一名櫬一名曰檝齊魯之間謂之王蒸今朝生暮落者是也五月始華故月令仲夏木槿榮都者美好閑習之言上林賦妖冶閑都

有

研扶蘇小材在上荷華美德在下

山有扶蘇隰有荷華興也扶蘇扶胥小木也荷華扶渠也其華萼萼言高下大小各有其宜也箋云興者扶胥之木生于山喻忽置不正之人于上位也荷華生于隰喻置有美德者于下位此言其用臣顛倒失其所也正義曰毛以下章小有橋松是木則扶蘇是木可知而釋木無文傳言扶胥小木者七當有以知之未詳其所出也荷扶渠其華萼白釋草文又云其實蓮其根藕

其中的的中慧李巡曰皆分別蓮華實並葉之
名的蓮實意中心苦者也

廿 橋松紅草猶弃大臣恣小臣

山有橋松隰有游龍松木也龍紅草也箋云游
龍猶放縱也橋松在山上喻忽無恩澤於大臣
也紅草放縱枝葉於隰中喻忽聽恣小臣此又
言小臣顛倒失其所也正義曰傳以橋松共文
嫌爲一木故云松木以明橋非木也釋草云紅
龍古其大者歸傳正取高下得宜爲喻不取橋

游爲義爰游龍此草直名龍耳而言游龍謂枝葉放縱也爰以作者若取山木隰草爲喻則當指言松龍而已不應言橋游也孫毓難鄭云爰言用臣顛倒置不正於上位上位大臣也置有美德於下位下位小臣也則其養之又無恩於所寵而聽恣於所薄乎以爰爲自相違戾斯不然矣忽之群臣非一人而已用臣則不正者在上有美德者在下養臣則薄於大臣厚於小臣此二者俱爲下言故一章各舉以刺忽

以童

子鄭見

止其子都

也之義好

者也狂狂

人也其怒

不任則賢

者及作用

十八

下篇以

狡童刺

昭公此

刺所美

十 釋子充子都狂且狡童

正義曰充者實也言其性行充塞良善之人故
為良人下篇刺昭公而言彼狡童兮是斥昭公
故以狡童為昭公也箋充是誠實故以忠良言
之充為性行誠實則知狡童是有貌無實者也
狡童謂狡好之童非有指斥定名也下篇刺昭
公之身此篇刺昭公之所美謂狡童為昭公於
義雖通下篇言昭公有壯狡之志未可用也箋
義為長

擗

計叔伯兄弟之稱羣臣相謂

擗擗風其吹女興也擗擗也人臣待君倡而後和箋云擗謂木葉也木葉擗待風乃落興者風喻號令也喻君有政教臣乃行之言此者刺今不然叔兮伯兮倡予和女叔伯言群臣長幼也君倡臣和也箋云叔伯群臣相謂也群臣無其君而行自以強弱相服女倡矣我則將和之言此者刺其自專也叔伯兄弟之稱

十權臣謂輕重由己擅命號令自己

校童

佞童刺忽也不能與賢人圖事權臣擅命也正
義曰權者稱也所以銓量輕重大臣專國之
輕重由之是之謂權臣也擅命謂專擅國之
命有所號令自以己意行之不復諮白於君鄭
忽之臣有如此者唯祭仲耳桓十一年左傳稱
祭仲爲公娶鄧曼生昭公故祭仲立之是忽之
前立祭仲專政也其年宋人誘祭仲而執之使
立突祭仲遂忽立突又專突之政故十五年傳
稱祭仲專鄭伯患之使其壻雍糾殺之祭仲殺

雍糾厲公奔蔡祭仲又迎昭公而復立是忽之復立祭仲又專此當是忽復立時事也

一六 昭公雖年長而有童心

以昭公雖則年長而有幼壯狡好作童子之時之志故謂之狡童襄三十一年左傳稱魯昭公年十九矣猶有童心亦此類也

襄裳

二六 忽世子於禮宜立此狂童謂突

襄裳思見正也狂童恣行國人思大國之正已也狂童恣行謂突與忽爭國更出更入而無人

國正之正義曰忽是莊公世子於禮宜立非詩
入所當疾故知狂童恣行謂突也忽以桓十一
年繼世而立其年九月經書突歸於鄭鄭忽出
奔衛是突入而忽出也桓十五年經書鄭伯突
出奔蔡鄭世子忽復歸於鄭是忽入而突出也
故云與忽更出更入於時諸侯信其爭競而無
大國之正者故思之也突以桓十五年奔蔡其
年九月鄭伯突入於櫟櫟是鄭之大都突入據
之與忽爭國忽以微弱不能誅逐去突諸侯又

無助忽者

四宋衛蔡魯助突爲篡故思見正

案春秋突以栢十五年入于鄭之櫟邑其年冬經書公會宋公衛侯陳侯于袤伐鄭十六年四月公會宋公衛侯陳侯蔡侯伐鄭左傳稱謀納厲公也則是其諸侯皆助突矣而云告齊晉宋衛者此述鄭人告難之意耳非言諸侯皆助忽故言子不我思豈無他人是爲諸國不思正已故有遠告他人之志若當時大國皆不助蔡

義曰

自然征而正之鄭人無所可思由宋衛蔡魯助突爲篡故思大國正己耳

四大國卿當天子上士故謂卿爲士

大國之卿當天子之上士故呼卿爲士也春官典命云王之三公八命其卿六命其大夫四命以大夫旣四命則上士當三命也故注云王之上士三命中士再命下士一命又云公之孤四命其卿三命侯伯之卿亦如之是大國之卿亦三命當天子之上士也曲禮曰列國之大夫入

年

天子之國曰某士襄二十六年左傳曰晉韓宣子聘于周王使請事對曰晉士起將歸時事於宰旅是宙命與王之士同故稱士也

昏姻分婦壻黨散文通

若指男女之身則男以昏時娶婦婦因男而來婚姻之名本生於此若以婦黨壻黨相對爲稱則釋親所云壻之父爲姻婦之父爲婚婦之黨爲婚兄弟壻之黨爲姻兄弟是婦黨稱婚壻黨稱姻也對文則有異散則可以通我行其野箋

云新特謂外婚謂婦為婚也隱元年左傳說葬之月數云士踰月外姻至非獨謂壻家也

大

以巷為門外其實即里塗

子之丰兮俟我乎巷兮丰豐滿也巷門外也箋云子謂親迎者我我將嫁者有親迎我者面貌丰丰然豐滿善人也出門而待我於巷中正義曰丰者面色丰然故為豐滿也叔于田傳云巷里塗此言門外者以迎婦自門而出故繫門言之其實巷是門外之道與里塗一也

振

如庚

傳不釋堂以毛無改字必知不爲振

子之昌兮侯我乎堂兮昌盛壯貌箋云堂當爲
振振門楣上木近邊者正義曰此傳不解堂之
義王肅云升于堂以侯孫毓云禮門側之堂
謂之塾謂出侯於塾前詩人比句故言堂耳
毛無易字之理必知其不與鄭同案此篇所
陳庶人之事人君之禮尊故於門設塾庶人不
必有塾不得待之於門堂也著云侯我於堂文
與著庭爲類是待之堂堂非門之堂也士婚禮

禮受

女於廟

堂庶人

無廟亦

當於堂

主人揖賓入于廟主人升堂西面賓升堂北面
奠鴈再拜稽首降出婦從降自西階是則士禮
受女於廟堂庶人雖無廟亦當受女於寢堂故
以王爲毛說箋以著篇言堂文在著庭之下可
得爲廟之堂此篇上言於巷此言於堂巷之與
堂相去懸遠非爲文次故轉堂爲棖棖是門楹
上腎木近門之兩邊者也釋宮云扶謂之闔棖
謂之楔孫炎曰扶門限也李巡曰棖謂楹上兩
傍木上言待於門外此言待之於門事之次故

易爲棖也

加中衣裳用錦爲文大著加禪聚

衣錦聚衣裳錦聚衣裳衣錦聚衣裳嫁者之服箋云
聚禪也蓋以禪穀爲之中衣裳用錦而上加禪
穀焉爲其文之大著也庶人之妻嫁服也士妻
紂衣纁衽正義曰知者以此詩是婦人追悔願
得從男陳行嫁之事云已有此服故知是嫁者
之服也婦人之服不殊裳而經衣裳異文者以
其衣裳別名詩須韻句故別言之耳其實婦人

禮記

喪服

集傳

卷之

四

之服衣裳連俱用錦皆有製下章倒其文故傳
衣錦聚裳互言之玉藻云禪爲絢絢與聚音義同
是製爲禪衣裳所用書傳無文而婦人之服尚
輕細且欲露錦文必不用厚緇矣故云蓋以禪
縠爲之禪衣在外而錦衣在中故言中衣裳用
錦而上加禪縠焉中庸引此詩乃云爲其文之
大著也故箋使用之傳直言嫁者之服故又申
之云庶人之妻嫁服若士妻則紵衣纁褊士婚
禮云女次紵衣纁褊立於房中南面注云次首

飾也紂衣絲衣女從者畢袵玄則此亦玄矣
亦緣也禡之言任也以纁緣其衣象陰氣上在
也凡婦人之服不常施禡之衣盛婚禮爲此服
耳是士妻嫁時服紂衣纁禡也

東門

三

東門之墀近而易茹慮在阪遠而難

之墀

東門之墀茹慮在阪東門城東門也墀除地町

町者茹慮茅蒐也男女之際近而易則如東門
之墀遠而難則如茹慮在阪箋云城東門之外
有墀墀邊有阪茅蒐生焉茅蒐之爲難淺矣易

越而出此女欲奔男之辭室邇人遠傳云得禮則近不得禮則遠

三 封土曰壇除地曰墀古字通用

出其東門有女如雲是國門之外見女也東門之池可以漚麻是國門之外有池也則知諸言東門皆爲城門故云東門城東門也襄二十八年左傳云子產相鄭伯以如楚舍不爲壇外僕言曰昔先大夫相先君適四國未嘗不爲壇今子草舍無乃不可乎上言舍不爲壇下言今子

草舍明知壇者除地去草矣故云壇除地町町也徧檢諸本字皆作壇左傳亦作壇其禮記尚書言壇壇者皆封土者謂之壇除地者謂之壇壇字異而作此壇字讀音曰壇蓋古字得通用也

行栗表道樹

傳以栗在東門之外不處園圃之間則是表道樹也故云栗行上栗行謂道也襄九年左傳云趙武魏絳斬行栗杜預云行栗表道樹

四卅 風雨鷄鳴興君子不改度

風雨淒淒雞鳴喑喑興也風且雨淒淒然雞猶
守時而鳴喑喑然箋云興者喻君子雖居世亂
不變改其節度

四卅 箋以鄭謂學爲校疏引公孫弘難之

子衿刺學校廢也亂世則學校不脩焉鄭國謂學
爲校言可以校正道藝正義曰鄭國衰亂不脩
學校學者分散或去或留故陳其留者恨責去
者之辭以刺學校之廢也經三章皆陳留者責

去者之辭也襄三十一年左傳云鄭人游於鄉校然明謂子產毀鄉校爰見左傳有鄭人稱校之言故引以爲證耳非謂鄭國獨稱校也漢書公孫弘奏云三代之道鄉里有教夏曰校殷曰序周曰序是古亦名學爲校也禮人君立大學小學言學校廢者謂鄭國之人廢於學問耳非謂廢毀學宮也不引孟子

六父母在故青衿無則素衿

傳青衿青領正義曰釋器公衣皆謂之襟李巡

曰衣皆衣領之襟孫炎曰襟交領也衿與襟義同衿是領之別名父母在故言青衿若無父母則素衿深衣云且父母衣純以青孤子衣純以素

世傳以不嗣音爲不習音聲鄭爲音問

古者教學子以詩樂誦之謂背文闇誦之歌之謂引聲長詠之絃之謂以琴瑟播之舞之謂以手足舞之學樂學詩皆是音聲之事故責其不來習音王制云樂正崇四術立四教春秋教以

禮樂冬夏教以詩書文王世子云春誦夏絃太
師詔之注云誦謂歌樂也絃謂以絲播詩是學
詩學樂皆絃誦歌舞之箋以下章云子寧不來
責其不來見已不言來者有所學則此云不嗣
音不宜爲習樂故易傳言留者責去者子曾不
傳續音聲存問我

八

士佩璫珉而青組綬與今禮記不同

青青子佩悠悠我思佩佩玉也士佩璫珉而青
組綬正義曰玉藻云古之君子必佩玉君子

玉比德焉故知子佩爲佩玉也禮記佩青玉而
云青青子佩者佩玉以組綬帶之士佩璫珉而
青組綬故云青青謂組綬也案玉藻士佩璫玼
而組組綬此云青組綬者蓋毛讀禮記作青字
其本與鄭異也學子非士而傳以士言之以學
子得依士禮故也

注

在城闕非人君宮門

挑兮達兮在城闕兮挑達往來相見貌乘城而
見闕箋云國亂人廢學業但好登高見於城闕

衡永

以候望爲樂正義曰城闕雖非居止之處明其
乍往乍來故知挑達爲往來貌釋官云觀謂之
闕孫炎曰宮門雙闕舊章懸焉使民觀之因謂
之觀如爾雅之文則闕是人君宮門非城之所
有且宮門觀闕不宜乘之候望此言在城闕
謂城之上別有高闕非宮闕也

四終鮮兄弟竟寡於兄弟之恩

終鮮兄弟維予與女箋云鮮寡也忽兄弟爭國
親戚相疑後竟寡於兄弟之恩獨我與女有耳

襄
襄

作此詩者同姓臣也

四忽初立以太子故唯數後五爭

桓十一年左傳云祭仲爲公娶鄧曼生昭公故
祭仲立之宋雍氏女於鄭莊公生厲公故宋人
誘祭仲而執之曰不立突將死祭仲與宋人盟
以厲公歸而立之秋九月昭公奔衛己亥厲公
立是一爭也十五年傳曰祭仲專鄭伯患之使
其壻雍糾殺之雍姬知之以告祭仲祭仲殺雍
糾厲公出奔蔡六月乙亥鄭世子忽復歸于鄭

是二爭也十七年傳曰初鄭伯將以高渠彌爲
卿昭公惡之固諫不聽昭公立懼其殺已也弑
昭公而立公子亶是三爭也十八年傳曰齊侯
師于首止子亶會之高渠彌相七月齊人殺子
亶而輟高渠彌祭仲逆鄭子于陳而立之服
虔云鄭子昭公弟子儀也是四爭也莊十四
年傳曰鄭厲公自櫟侵鄭及大陵獲傅瑕曰
苟舍我吾請納君與之盟而捨之六月傳瑕殺
鄭子而納厲公是五爭也忽亦再爲鄭君前

太子嗣立不爲爭篡故唯數後爲五事也

四 傳以縞衣之男縶巾之女爲夫婦

出其至我貧毛以爲鄭國民人不能保其室家男女相棄故詩人閔之言我出其鄭城東門之外有女被棄者衆多如雲非我思慮所能存救以其衆多不可救拯唯願使昔日夫妻更自相得故言彼服縞衣之男子服縶巾之女人是舊時夫妻願其還自配合則可以樂我心云耳詩人閔其相棄故願其相得則樂云貧古今字助句

辭也鄭以爲國人迫於兵革男女相棄心不忍絕
眷戀不已詩人述其意而陳其辭也有女被棄
者如雲雲之從風東西無定此女被棄心亦無
定如雲然此女雖則如雲非我思慮之所存在
以其非已之妻故心不存焉

三四

箋以縞衣綦巾作詩者之妻服

廣雅云縞細縐也戰國策云強弩之餘不能穿
魯縞然則縞是薄縐不染故色白也顧命云四
人綦弁注云青黑曰綦說文云綦蒼黑也

黼綦者青色之小別顧命爲弁色故以爲青黑
此爲衣巾故爲蒼艾色蒼即青也艾謂青而微
白爲艾草之色也知縞衣男服綦巾女服者以
作者旣言非我思存故願其自相配合箋以序
稱民人思保其室家言夫思保妻也經稱有女
如雲是男言有女也經序皆據男爲文則縞衣
綦巾是男之所言不得分爲男女二服

四 傳釋綦蒼艾色箋綦文

箋亦以綦爲青色但綦是文章之色非染繒之

色故云綦綦文謂巾上爲此蒼文非全用蒼色爲巾也

四毛謂詩人出曲城門臺鄭謂國人出城出都闐曲城也闐城臺也茶英茶也言皆喪服也箋云闐讀當如彼都人士之都謂國外曲城之中市里也茶茅秀物之輕者飛行無常正義曰毛以爲詩人言我出曲城門臺之外云云鄭以爲國人弃其妻者自言出其曲城都邑市里之外上言出其東門此文亦言出其闐闐字皆從

門則知亦是人所從出之處釋官云閣謂之臺
是閣爲臺也出謂出城則閣是城上之臺謂當
門臺也閣既是城之門臺則知闔是門外之城
即今之門外曲城是也故云闔曲城閣城臺說
文云闔闔城曲重門謂闔爲曲城

四茶謂茅秀非邨風苦葉周頌茶蓼

釋草有茶苦菜又有茶委葉邨風誰謂茶苦即
苦菜也周頌以薺茶蓼即委葉也鄭於地官掌
茶注及旣夕注與此箋皆云茶茅秀然則此言

如茶乃是茅草秀出之穗非彼二種茶草也言
茶英茶者六月云白旆英英是白貌茅之秀者
其穗色白言女皆喪服色如茶然吳語說吳王
夫差於黃池之會陳兵以勦晉萬人爲方陳皆
白常白旗素甲白羽之矰望之如茶韋昭云茶茅
秀亦以白色爲如茶與此傳意同女見棄所以
喪服者王肅云見棄又遭兵革之禍故皆喪服
也

十四

零露謂仲春秌溫涼中

卷之

靈作零字故爲落也仲春仲秋俱是晝夜等溫涼中九月霜始降仲秋仍有露則知正月猶有霜二月始有露故云蔓草生而有露謂仲春時也

八四 蘭即蘭漢池苑皆種可辟蠹

傳蘭蘭正義曰陸璣疏云蘭即蘭香草也春秋傳曰刈蘭而卒楚辭云紉秋蘭孔子曰蘭當爲王者香草皆是也其莖葉似藥草澤蘭廣而長節節中赤高四五尺漢諸池苑及許昌宮中皆

種之可著粉中藏衣著書中辟白魚

毛詩要義卷第四下